

el qual leto, poi disse *iterum* alcune parole, et meseno questa parte notada qui avanti. Fu presa. Ave: 11 non siceri, 15 di no, 133 di la parte; et fu presa.

Noto. In le *lettere di Fiorenza, de l' orator nostro, di 6, tenute fin 7*, è questo aviso, esser lettere di Anglia, di . . . , accusano haver di Roma, di primo, che 'l papa stava mal et in pericolo di morte. *Item*, le lettere di Ancona, come quelli lanzinech è per venir in Lombardia et andar a Milan, et però quelli signori de pratica voriano tuor li ditti a nostri stipendi, pagandoli per terzo il re Christianissimo, la Signoria nostra et loro. *Item*, manda el capitolo de le lettere di Zenoa, di 5 de l' instante, acusano haver di Barzelona, di 24, come l' imperador era in camino, per venir de li, et saria el principio di questo mexe di Mazo, per venir in Italia, et era 24 galle et 2 del signor de Monaco, et 4 altre erano a Tortosa; et era zonto de li el capitano Patricio con 2 galle, do fuste, 4 navi et 3 caravelle, con vituarie et munition, et 10 milia cantera de biscotti, et 600 homeni da mar, et si aspettava altre nave con altri 600 homeni da mar et munitione et vituarie.

Noto. Partite hozi sier Hironimo Contarini qu. sier Anzolo sopracomito, ritorna a Monopoli, al qual fo dato ducati 2000 da portar li.

In questo Pregadi, fu posto per li Consieri, Cai di XL et Savi, da poi leto una suplication di Zuan Paleologo capo de stratioti, atento la fede di soi pasadi et de quelli è morti in Puia, che a li fioli de preditti sia confermà la provision de ducati 20 per paga a page 4 a l' anno a la camera de la Zefalonia *ut in parte*. Ave: 144, 10, 11. Fu presa.

205• *A dì 12*, la matina. Non fo lettera alcuna. La terra di peste di altro mal

Vene in Collegio domino Zuan Batista de Malatesti orator del signor marchese, et referite esser stato per el suo Signor orator a la Cesarea Maestà, parti da Barzelona a dì 27 April, et è venuto per mar a Zenoa.

Vene in Collegio li do oratori de Franza, a li qual fo ditto la deliberation del Senato fatta in risponder a le proposte del Re, et lo episcopo de Aranges disse: « questa risposta non piacerà al re, perchè el voleva le zente fusse pagate per lui. » Il Serenissimo disse: « nui pagamo le nostre zente et ben, et se quelle de la maestà del re fosse stà pagate quando l' era sotto Pavia non saria stà preso. »

*Summario de lettere di Brexa, di sier Chri- 206
stofal Capello capitano, a li 7 de Mazo
1529.*

Come hanno alcuni reporti, da persone degne de fede, come li conti de Lodron se erano levati et andati a Trento, dove se dovea trovar *etiam* li altri capetanei, et far la massa miglia 10 lontano da Trento de li fanti già ordinati per andar verso di l' Hongaria. Ne è *etiam* stà referito da uno medico de questa città, qual è stato a medicar una de le done de li ditti conti de Lodron, che de li a Lodron li era uno missier Barnabò Adorno genoese, quale havea con sè una bolza *cum* danari, et diceva voler veder de far qualche numero de fanti, el qual era venuto da Genova a Pisenza, et per la via de Mantoa era passato a Lodron. De quel succederà avisarà.

*Lettera di sier Zuun Ferro vicepodestà di
Brexà, di 10 ditto.*

Heri questo magnifico capitano andò a Gedi a trovar la excellentia del duca de Urbino, che dovea alozar li, et poi andar a la volta del campo, et per veder se 'l può far con soa excellentia che 'l lieva queste zente d' arme de questo brexan, le qual son de grandissimo danno a questo territorio. Per lettere de domino Antonio da Castello, dal campo, son avisato de certi fanti, che andavano a Milan, de inimici, è stati morti da quelli del conte de Caiazza da cerca 25. Et che monsignor de San Polo se dovea abochar con el governador nostro doman over post-doman, per deliberar quanto doveano far. Significa *etiam* che per via de Zenoa se havia esser levado lo armar de li, et che l' imperator non venirà questo anno in Italia. El duca de Milan mandava le sue zente al campo, le qual, per quanto intendo, sarà da 3000 fanti.

*Lettera di domino Antonio da Castello, data
a Pozolo, a dì 9 Mazo 1529, drizata a sier
Gregorio Pizamano.*

Magnifico patron et compare mio honorando.

Non ho scritto più a vostra signoria dal passar de là Adda in quà, per non esser stato cosa de momento. In quello dì medesimo che passamo Adda s' è preso Cassano, et se vene alloggiare a Pozolo, dove semo al presente. Heri da matina, cavalcando